

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 253549 24 St
Zenica, 08.09.2025. godine

Općinski sud u Zenici, stečajni sudija Adnan Herceg, u stečajnom postupku nad imovinom stečajnog dužnika REINA EMMA d.o.o. Zavidovići, ul. Zlatnih ljiljana bb, Zavidovići, kojeg zastupa punomoćnik Maličbegović Anis, advokat iz Zavidovića, ul. Mehmed-paše Sokolovića br. 10e, Zavidovići, odlučujući o prijedlog stečajnog dužnika, van ročišta, dana 08.09.2025. godine, donio je sljedeće:

RJEŠENJE

OTVARA SE STEČAJNI POSTUPAK nad pravnim licem Privredno društvo REINA EMMA d.o.o. Zavidovići, sa sjedištem u Zavidovićima, ul. Zlatnih ljiljana bb, matični registarski broj subjekta upisa 43-01-0383-15, dana 08.09.2025. godine u 15,00 sati.

Za stečajnog upravitelja, sa liste stečajnih upravitelja, se imenuje Vehab Haris iz Tešnja, Srebrenička br. 18.

Pozivaju se povjeritelji da u roku od 30 dana prijave svoja potraživanja, koja imaju prema stečajnom dužniku podnošenjem prijave Općinskom sudu Zenica na broj: 43 0 St 253549 24 St, uz uplatu sudske takse u iznosu od 1% od vrijednosti potraživanja, ali ne manje od 50,00 KM niti više od 10.000,00 KM na račun budžeta ZE-DO kantona broj: 134-010-0000001672, vrsta prihoda 722221, budžetska organizacija 1606001, općina 103.

Podnositelji prijave uz prijavu trebaju navesti svoju firmu, sjedište, boravište, pravni osnov i iznos potraživanja, kao i broj svog žiro računa.

Pozivaju se povjeritelji da stečajnog upravnika u roku od 30 dana obavijeste koja prava osiguranja potražuju na predmetima i imovini stečajnog dužnika, navođenjem predmeta nad kojim se potražuje pravo osiguranja, vrstu i razlog nastanka prava osiguranja, kao i osigurano potraživanje.

Pozivaju se dužnici stečajnog dužnika da svoje obaveze bez odlaganja izmire.

Ispitno i izvještajno ročište u ovom postupku zakazuje se za dan 17.11.2025 godine u 09:00 sati, u zgradi Općinskog suda Zenica, te se na isto pozivaju povjerioci stečajnog dužnika koji podnesu prijavu potraživanja, kao i stečajni upravnik.

Obrazloženje

Predlagač kao dužnik je dana 21.11.2024. godine ovom sudu prijedlog za otvaranje stečajnog postupka nad REINA EMMA d.o.o. Zavidovići, ul. Zlatnih ljiljana bb, Zavidovići, zbog platežne nesposobnosti stečajnog dužnika.

Rješenjem ovog suda od 10.02.2025. godine, pokrenut je prethodni postupak radi utvrđivanja uslova za otvaranje stečajnog postupka na imovinom stečajnog dužnika REINA EMMA d.o.o. Zavidovići, ul. Zlatnih ljiljana bb, Zavidovići, matični registarski broj subjekta upisa 43-01-0383-15.

Na ročištu za ispitivanje uvjeta za otvaranje stečajnog postupka, održanom dana 05.09.2025. godine, privremeni stečajni upravitelj je naveo da stečajni dužnik ne obavlja više svoju djelatnost od 2024. godine, da su poslovne knjige uredno vođene dok je privredno društvo radilo, a od 2024. godine odnosno u vrijeme sačinjavanja izvještaja poslovni događaji nisu uredno evidentirani prema važećim propisima. Ističe da popis imovine na dan 31.12.2024. godine nije vršen i da obaveze društva u vrijeme sačinjavanja izvještaja nije mogla tačno utvrditi jer direktor društva nije dostavio dokumentaciju od šestog mjeseca 2024. godine knjigovodstvenom srevisu i on se nalazi na radu u drugoj državi. Prema Bruto bilansu koji, a prema stanju koje nije knjiženo od šestog mjesca 2024. godine privredno društvo ima robu u maloprodajnom objektu u iznosu od 442.197,24KM, uredsku opremu iznosu od 968,53KM, pogonski i skladišni namještaj u iznosu od 11.531,62KM, potraživanja od kupaca u zemlji u iznosu od 95.685,77KM, dok ima dug za dobavljače 33.456,02KM. Prema UNICREDIT BANK d.d. privredno društvo ima dug u iznos od 119.759,13KM, po snovu Ugovora o dugoročnom kreditu, broj: 20034947-DK-7607-1/2022 od 31.03.2022. godine iznos od 37.164,14KM, Ugovor o kratkoročnom kreditu na revolving 20034947-RK-9805-1/23 od 24.02.2023. godine iznos od 296,10 KM, Ugovor o dugoročnom kreditu, broj: 20034947-DK-0357-1/23 od 29.05.2023. godine iznos od 82.114,89KM i po osnovu Ugovora o otvaranju i vođenju računa i obavljanja poslovanja unutrašnjeg platnog prometa broj 01/TR/3384202214824142/2020 od 30.09.2020. godine iznos od 184,00KM, podaci su sa danom 14.03.2025. godine. Dalje navodi da REINA EMMA d.o.o. Zavidovići ima otvorena dva računa kod UNICREDIT BANK d.d. – transakcijski račun, glavni račun broj 3384202214824142, koji je blokiran dana 30.07.2024. godine, broj 3384204814828244, blokiran 30.07.2024.godine prema Izvještaju o računima poslovnog subjekta od 10.03.2025. godine, sačinjen od Centralne banke Bosne i Hercegovine. Privredno društvo je imalo još dva transakcijska računa koja su ugašeni i to kod Union banka d.d. Sarajevo računa broj 1028410000001591 i 140501120049367 i kod Raiffeisen bank d.d. Sarajevo račun broj 1610000205630020. U blagajni društva nema novčanih sredstava. Teretno vozilo marke zastava, tip 40.10, broj šasije ZCFC407010Z014352, godina proizvodnje 2003, koje se kod Odsjeka za administraciju Zavidovići, MUP Zenica, vlasništvo REINA EMMA d.o.o. Zavidovići prodato Nerminu Bećiragiću iz Zavidovića, te je za predmetno vozilo evidentirana je zabrana otuđenja Uprave za indirektno oporezivanje RC Sarajevo po rješenju od 09.12.2024. godine i po rješenju Kantonalnog poreznog ureda Zenica od 27.01.2025. godine. REINA EMMA d.o.o. Zavidovići nema nekretnina u svom vlasništvu, prema Podnesku suda, Općinski sud u Zavidovići, broj: 042-0-RZ-25-000 083 od 10.03.2025 i nije upisan kao nosilac prava u katastarskom operatu, prema Uvjeranju, broj: 06/6-30-868/25-1 od 10.03.2025. godine izdatog od Grada Zavidovići, Služba za upravu, geodetskih, imovinsko-pravnog poslova i urbanizma. Prema Uvjeranju Porezne uprave Federacije BiH, Porezne ispostave Zavidovići, broj: 13-4/2-12-5-607/25 H.J. od 12.03.2025. godine REINA EMMA d.o.o. Zavidovići ima dospjelih u iznosu od 13.801,97KM. Nema zaposlenih radnika REINA EMMA d.o.o. Zavidovići. Završni račun za 2024. godinu predat 20.06.2025. godine. Nakon što je sačinjen Finasijski izvještaj za 2024. godinu društvo ima zalihe u iznosu od 1.815,00KM, potraživanja od kupaca 40.435,00KM i ostale imovine i potraživanja u iznosu od 34.260,00KM, što ukupno iznosi 78.300,00KM, dok ukupne obaveze društva iznose 134.381,00KM. Ističe da stečajni postupak nije pokrenut u roku od 60 dana od dana nastupanja platežne nesposobnosti. Na osnovu svega navedenog prolazi da je imovina stečajnog dužnika nije dovoljna da se pokriju troškovi stečajnog postupka, te imovina odnosno zaliha koju stečajni dužnik ima knjigovodstveni iznosi 1.815,00 KM i oprema 264,00 KM. Dalje navodi da stečajni dužnik ne može nastaviti poslovanje jer ne obavlja registrovanu djelatnost od 2024. godine i da postoje razlozi za otvaranje stečajnog postupka iz razloga platežne nesposobnosti stečajnog dužnika i to u neprekidnom trajanju dužem od 60 dana. Svoje dospjele novčane obaveze nije izmirio od 2024. godine, a račun je blokiran 20.07.2024.godine. Prijedlog za otvaranje stečajnog postupka podnesen je od ovlaštenog lica od strane direktora u skladu sa naprijed

navedenim, te je mišljenja da je prijedlog dopušten i osnovan, te ukoliko povjerioci predujme troškove stečajnog postupka u iznos od 10.000,00KM da su se stekli zakonski razlozi za otvaranje stečajnog postupka nad pravnim licem REINA EMMA d.o.o. Zavidovići definisanim članom 6. Zakona o stečaju.

Cijeneći sve naprijed navedeno sud je ovim rješenjem odredio dan i čas otvaranja postupka, imenovao stečajnog upravnika koji ispunjava uvjete iz odredbe člana 71. stav 2. tačka c), člana 73, a u vezi sa odredbom čl. 76 Zakona o stečajnom postupku, te pozvao povjerioce stečajnog dužnika da prijave potraživanja i povjerioce sa pravom osiguranja da obavijeste stečajnog upravnika o svom pravu, te dužnike stečajnog dužnika da bez odlaganja izmire svoja potraživanja. te je odredio i dan i čas za koji je zakazano ispitno i izvještajno ročište, sve u skladu sa odredbama Zakona o stečaju.

PRAVNA POUKA:

Protiv ovog rješenja stečajni dužnik
može uložiti žalbu Kantonalnom sudu
u Zenici, u roku od 8 dana od dana dostave,
a putem ovog suda.

Stečajni sudija
Adnan Herceg, s.r.